

**UNIVERZITET U SARAJEVU**  
**POLJOPRIVREDNO-PREHRAMBENI FAKULTET**

Broj: 01-1-1185-3/19  
Sarajevo, 10.06.2019. godine

Na osnovu člana 64. Stav (1) Tačka b.), člana 70. Stav 1, 3 i 6. Zakona o javnim nabavkama („Službeni glasnik BiH“ broj: 39/14), člana 108. Statuta Univerziteta, te na osnovu preporuke Komisije za javne nabavke, a po provedenom postupku za nabavku roba putem konkurentskog zahtjeva, dekan Fakulteta, donosi

**ODLUKU**  
**O IZBORU NAJPOVOLJNIJEG PONUĐAČA**

**Član 1**

Prihvata se preporuka Komisije za javne nabavke, te se ugovor za pružanje usluga „Rezervacija i obezbjeđenje avionskih karata za potrebe Poljoprivredno-prehrambenog fakulteta“ dodjeljuje ponuđaču „VIP TRAVELS“ d.o.o. Sarajevo za ukupnu cijenu od **68,40 KM bez PDV-a** kao najbolje ocjenjenom ponuđaču.

**Član 2**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 3**

Ova odluka objavit će se na web-stranici ugovornog organa ([www.ppf.unsa.ba](http://www.ppf.unsa.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-1-1185/19 od 14.05.2019. godine. Postupak javne nabavke proveden je putem konkurentskog zahtjeva za koji je objavljeno obavještenje o nabavci broj: 1365-7-2-91-3-12/19 na Portalu javnih nabavki dana 15.05.2019. godine.

Sa portala Agencije za javne nabavke tendersku dokumentaciju je preuzelo šest ponuđača. U određenom roku za dostavljanje ponuda na protokol ugovornog organa zaprimljene su 2 (dvije) ponude i to: VIP TRAVELS d.o.o. Sarajevo i GOBOOK d.o.o. Visoko.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima kriterijima iz tenderske dokumentacije.

Komisija za javne nabavke imenovana Rješenjem dekana broj: 01-1-1236/19 od 20.05.2019. godine, izvršila je javno otvaranje ponuda dana 28.05.2019. godine.

Nakon otvaranja ponude, izvršena je detaljna analiza te je utvrđeno da ponuđači VIP TRAVELS d.o.o. Sarajevo i GOBOOK d.o.o. Visoko ispunjavaju uslove koji su traženi tenderskom dokumentacijom.

Komisija je utvrdila cijene za agencijsku naknadu u skladu sa okvirnim količinama iz ponude kako slijedi:

1. VIP TRAVELS d.o.o. Sarajevo čija cijena ponude iznosi 68,40 KM bez PDV-a
2. GOBOOK d.o.o. Visoko čija cijena ponude iznosi 319,60 KM bez PDV-a

Članom 66. Zakona o javnim nabavkama BiH („Službeni glasnik BiH“ broj: 39/14) propisano je slijedeće:

(1) Ako ugovorni organ ocjeni da je ponuđena cijena neprirodno niska, u pismenom obliku će od ponuditelja zahtjevati da obrazloži ponuđenu cijenu. Ako ponuditelj ugovornom organu ne ponudi osnovano obrazloženje koje može, među ostalim, sadržavati i usporedbu s cijenama na tržištu, ugovorni organ će odbaciti ponudu.

(2) Ponuditelj je dužan u pisanom obliku dostaviti detaljne informacije o bitnim sastavnim elementima ponude, uključujući elemente cijene, uključujući elemente cijene, odnosno razloge za ponuđenu cijenu.

Ugovorni organ razmatra objašnjenja koja se na primjeren način mogu odnositi na:

- a) Ekonomičnost proizvodnog procesa, pruženih usluga ili građevinske metode
- b) Izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenja radova
- c) Originalnost robe, usluga ili radova koje je ponuđač ponudio
- d) Usklađenost sa važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad
- e) Mogućnost da ponuđač prima državnu pomoć

(3) Ako ugovorni organ utvrdi da je ponuda neprirodno niska zato što ponuđač prima državnu pomoć, ponuda može biti odbacena samo ako ponuđač nije u mogućnosti dokazati, u razumnom roku koji je odredio ugovorni organ, da je državna pomoć dodjeljena u skladu sa važećim zakonom.

Također, članom 17. Stav (7) alineja b) Uputstva za pripremu modela tenderske dokumentacije i ponuda („Službeni glasnik BiH“ broj: 90/14), propisano je da ugovorni organ obavezno od ponuđača traži objašnjenje cijene ponude koju smatra neprirodno niskom u slučaju kada je cijena ponude za više od 20% niža od cijene drugorangirane prihvatljive ponude

Imajući u vidu naprijed navedeno, Komisija za provođenje postupka javne nabavke pružanje usluga „Rezervacija i obezbjeđenje avionskih karata za potrebe Poljoprivredno-prehrambenog fakulteta Univerziteta u Sarajevu“ uputila je Poziv broj: 01-1-608-2/19 od 29.05.2019. godine ponuđaču VIP TRAVELS d.o.o. Sarajevo, za pojašnjenje neprirodno niske cijene. Ponuđač VIP TRAVELS d.o.o. Sarajevo, u roku koji je odredio ugovorni organ, dostavio je dana 03.06.2019. godine, obrazloženje i detaljne informacije o relevantnim elementima ponude, odnosno razloge za ponuđenu cijenu, te ekonomsku opravdanost iste.

Ponuđač VIP TRAVELS d.o.o. Sarajevo u odgovoru navodi da je u svojoj ponudi broj 171/2019 od 28.05.2019. godine podudio jediničnu cijenu agencijske naknade od 1.71 KM bez PDV-a. Od ukupne cijene troškovi se razlažu na slijedeći način:

1. Plaće i doprinosi uposlenih (60%): 1,03 KM
2. Tekuće održavanje poslovnog prostora (25%): 0,43 KM
3. Zakupnina poslovnog prostora (5%): 0,08 KM
4. Dobit agencija (10%) 0,17 KM

Nakon dostavljenog pojašnjenja neprirodno niske ponuđene cijene od strane ponuđača VIP TRAVELS d.o.o. Sarajevo, te obrazloženih navedenih razloga, Komisija je utvrdila da su dostavljene detaljne informacije o relevantnim sastavnim elementima ponude uključujući i cijenu odnosno razloge ponuđene cijene te da u ovom slučaju nema validnih razloga za odbacivanje obrazloženja dostavljenog od strane ponuđača VIP TRAVELS d.o.o. Sarajevo.

Imajući u vidu naprijed navedeno, Komisija za javnu nabavku sačinila je zapisnik o pregledu i ocjeni ponuda dana 07.06.2019. godine, te na osnovu kriterija najniža cijena, dala preporuku dekanu Fakulteta da se ugovor za pružanje usluga „Rezervacija i obezbjeđenje avionskih karata za potrebe Poljoprivredno-prehrambenog fakulteta Univerziteta u Sarajevu“ dodjeli ponuđaču VIP TRAVELS d.o.o. Sarajevokoji je dostavio cijenu količine navedene u Obrascu za cijenu ponude u iznosu od 68,40 KM bez PDV-a.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propusta u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocjenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.



**D e k a n**

*Muhamed Brka*  
**Prof. dr Muhamed Brka**

**PRAVNA POUKA:**

Protiv ove odluke može se izjaviti žalba u roku od 5 (pet) dana od dana prijema odluke.

**Dostaviti:**

- Vip Travels d.o.o. Sarajevo
- Gobook d.o.o. Visoko
- Računovodstvo
- Uz tendersku dokumentaciju
- a/a